

NË EMËR TË POPULLIT

GJYKATA THEMELORE NË GJILAN Departamenti i Përgjithshëm, përmes gjyqtarit Ramiz Azizi, me zyrtaren ligjore Florentina Ademi, në lëndën penale ndaj të pandehurit L.R., nga fsh. ... K..., për shkak të veprës penale lëndim i lehtë trupor nga neni 188 par 1. nënparagrafi 1.4 lidhur me nenin 31 të Kodit Penal të Republikës së Kosovës (KPRK), sipas aktakuzës së Prokurorisë Themelore në Gjilan, Departamenti i Përgjithshëm, PP.ll.nr.2064/17 të datës 09.11.2017, të cilin e përfaqësonte prokurori Shefik Memeti, pas mbajtjes në seancën fillestare gjyqësore, publike dhe orale lidhur me marrëveshjen mbi pranimin e fajsisë dhe dënimit në Prokurori të datës 30.11.2017, me datë 22.02.2018 publikisht shpalli këtë:

A K T G J Y K I M

I pandehuri L.R. nga babai B. dhe nëna A., e lindur B., i lindur më data e lindjes..., në ... tani jeton në fsh. ... K..., ka kryer shkollën fillore, i pamartuar, i pa punë, i gjendjes së varfër ekonomike, shqiptar, shtetas i Republikës së Kosovës.

**Është fajtor
SEPSE**

-Me datë 30.10.2017 në intervalin kohor 17.35 – 17.55 min, në rrugën “ ... ” në ... të pandehurit Sh.A. nga ... dhe L.R. nga fsh. ... K. ..., me pregatitje paraprake dhe në bashkëveprim, lehtë e lëndojnë të dëmtuarin D.I. nga ... në atë mënyrë që pas një mosvarrëveshje mes vete lidhur lidhur me atë se i dëmtuari vazhdimisht e ngacmonte dhe shqetësonte motrën e të pandehurit Sh.A., e cila është edhe e fejuara e të pandehurit L. R. – E.A., të pandehurit e lartcekur shkojnë në lokalit ... në ..., ku fillimisht e nxjerrin të dëmtuarin jashtë lokalit, me preteks për të pirë kafe dhe pasi dalin jashtë lokalit fillojnë që ta godasin të dëmtuarin me shqelma dhe shuplaka në pjesë të ndryshme të trupit, dhe ikin në drejtim të panjohur, në këtë mënyrë të pandehurit në bashkëveprim i shkaktojnë lëndime të lehta trupore të dëmtuarit D.I., i cili për shkak të natyrës së lëndimeve detyrohet të kërkojë ndihmë në Emërgjencën e Spitalit Regjional në Gjilan.

- me çka ka kryer veprë penale në bashkëveprim, lëndim i lehtë trupor nga neni 188 paragrafi 1 nënparagrafi 1.4 lidhur me nenin 31 të Kodit Penal të Republikës së Kosovës (KPRK)

Andaj gjykata, në bazë të dispozitës së lartcekur ligjore, si dhe të neneve 4,7,17,21,40, 41,42 46,73 e 74 të KPRK-se, si dhe neneve 365,451 e 463 të KPPRK-së, atij i shqipton:

DËNIM ME GJOBË

I. Dënim me gjobë në vlerë prej **200 (dyqind) euro**, ashtu që dënimi i shqiptuar do të paguhet në afat prej **15 ditësh** nga dita kur ky aktgjykim të bëhet i formës së prerë, po që se dënimi i shqiptuar nuk do të paguhet, i njëjti do të zëvendësohet në dënim me burg.

II. I dëmtuari, për realizimin e kërkesës pasurore juridike udhëzohet në kontest civil.

III. I pandehuri obligohet që dënimin e shqiptuar me gjobë ta paguaj në 2 (dy) këste të barabarta mujore, ashtu që këstin e parë të e paguaj në afat prej 15 ditësh nga dita kur ky aktgjykim të bëhet i formës së prerë, ndërsa këstin e dytë në fillim të muajit vijues.

IV. Gjykata konform nenit 39 par 3, nën par 3.1 të ligjit për kompenzimin e viktimave të krrimit, që të akuzuarit i shqiptoj edhe taksën në shumën prej 30€.

Obligohet i pandehuri që t'i paguaj 20 €, në emër të paushallit gjyqësor, si dhe shpenzimet e tjera të procedurës penale sipas llogarisë përfundimtare të kësaj Gjykate, në afat prej 15 (pesëmbëdhjetë) ditëve, nga data kur ky aktgjykim të bëhet i formës së prerë.

A r s y e t i m

Prokuroria Themelore në Gjilan, Departamenti i Përgjithshëm, ka ngritur aktakuzën e lartcekur ndaj të pandehurit L.R. nga fsh. ... K. ... për shkak të veprës penale **me çka ka kryer veprë penale në bashkëveprim, lëndim i lehtë trupor nga neni 188 paragrafi 1 nënparagrafi 1.4 lidhur me nenin 31 të Kodit Penal të Republikës së Kosovës (KPRK).**

Asnjëra palë nuk e kundërshtoi gjyqtarin e vetëm gjykues, nuk pati asnjë vërejte ndaj të njëjtit.

Marrëveshja mbi pranimin e fajësisë si dhe të sanksionit penal i është paraqitur gjyqtarit të vetëm gjykues konform nenit 233 të KPPRK-së më datën 09.11.2017, e cila si e tërë është edhe pjesë përbërëse e kësaj lënde penale.

Për veprën penale nga neni 188 paragrafi 1 nën paragrafi 1.4 të KPRK-së, është paraparë dënimi me gjobë ose me burgim deri në një (1) vit.

Përfaqësuesi i Prokurorisë Themelore në Gjilan, prokurori i shtetit Shefik Memeti, e ka njoftuar gjyqtarin e vetëm gjykues për dhënien e pëlqimit me shkrim nga ana e kryeprokurorit dhe për lidhjen e marrëveshjes për pranimin e fajësisë dhe sanksionit penal, duke hequr dorë nga dëgjimi i dëshmitarëve të propozuar si dhe të shtjellimit të provave të tjera materiale.

Mbrojtësi i të akuzuarit L.R., avokati sipas autorizimit R.L. nga ..., e ka njoftuar gjyqtarin e vetëm gjykues për marrëveshjen në fjalë të lidhur me përfaqësuesin e akuzës në prezencën e të akuzuarës, duke hequr dorë nga dëgjimi i dëshmitarëve dhe të shtjellimit të provave tjera, po ashtu duke kërkuar që dënimi për të akuzuarën të jetë dënim me gjobë e që të njëjtin nuk e kundërshtoi as prokurori, e as gjyqtari i vetëm gjykues e i cili këtë edhe e aprovoi.

Marrëveshja mbi pranimin e fajësisë dhe të sanksionit penal për të akuzuarin , i përmbajnë të gjitha kushtet, duke bërë propozim për marrëveshjen e pranimit të fajësisë

dhe sanksionimit penal, e bërë në mënyrë vullnetare, duke deklaruar edhe për arsyet e pranimi të fajësisë si dhe të sanksionit penal.

Gjykata ka gjetur se palët procedurale marrëveshjet në fjalë i kanë bërë konform dispozitës ligjore të nenit 233 të KPPRK-së.

Gjykata është e bindur se i akuzuari e ka kryer veprën penale nga neni 188 par.1 nën par. 1.4 lidhur me nenin 31 të KPRK-së, si dhe ka konstatuar se nuk ekziston asnjë diskualifikim i cekur nga neni 233 te KPPRK-së.

Pasi që palët procedurale, prokurori i shtetit, i akuzuari dhe mbrojtësi i tij që ishte prezent në seancën dëgjimore, kanë arritur marrëveshje mbi pranimin e fajësisë dhe të sanksionit penal, gjykata atë e mori dhe e pranoi pa kurrfarë hezitimi si të arritur me vullnet nga palët procedurale.

Me rastin e matjes së llojit dhe lartësisë së dënimit ndaj të akuzuarit në fjalë, gjyqtari i vetëm gjykues mori për bazë marrëveshjen mbi pranimin vullnetar të fajësisë dhe të sanksionit penal ndaj të akuzuarit të lartcekur si dhe rrethanat tjera lehtësuese si sjelljen korrekte në gjykatë, pendimin për atë çka kishte bërë, premtimin se një gjë të tillë atë kurrë nuk do ta përsëris, është, hera e parë që ndeshet me ligjin, e si rrethana rënduese mori pasojat e shkaktuara të dëmtuarit.

Gjykata është e bindur se dënimi i shqiptuar me gjobë është në harmoni me peshën e veprës penale, kështu që me këtë dënim do të mundet të arrihet qëllimi i dënimit i paraparë me neni 41 të KPRK-së.

Përfaqësuesi i aktakuzës, i dëmtuari dhe mbrojtësi i tij deklaruan se heqin dorë nga ankesa.

Vendimi mbi shpenzimet e procedurës penale është i bazuar në nenin 451 të KPPRK-së.

Andaj,nga të lartcekurat, u vendos si në dispozitiv të këtij aktgjykimi.

GJYKATA THEMELORE NË GJILAN

Departamenti i përgjithshëm

Më:22.02.2018

**Zyrtarja Ligjore,
Florentina Ademi**

**Gjyqtari i vetëm gjykues,
Ramiz Azizi**

KËSHILLA JURIDIKE :Palët procedurale kanë hequr dorë nga ankesa e këtij aktgjykimi, andaj i njëjti nuk mundë të ankimohet dhe bëhet menjëherë I formës së prerë.

